



Farseðlatrygging

Vátryggingarskilmálar nr. ST20

Um vátrygginguna gilda:

- Vátryggingarskírteinið ásamt áritunum og sérskilmálum.
- Skilmálar þessir nr. ST20.
- Sameiginlegir skilmálar félagsins nr. YY10
- Lög um vátryggingarsamninga nr. 30/2004.

Ákvæði í vátryggingarskírteini eða endurnýjunarkvittun ganga frammar ákvæðum í skilmálum. Ákvæði í vátryggingarskírteini, endurnýjunarkvittun og skilmálum ganga frammar frávikjanlegum lagaákvæðum.

Efnisyfirlit:

1. Vátryggður
2. Bótasvið
3. Sérstakar takmarkanir á bótaskyldu
4. Greiðsla iðgjalds
5. Vátryggingafjárhæð
6. Ákvörðun bóta
7. Tvítrygging
8. Fyrning

1. Vátryggður

Vátryggður er sá sem tilgreindur er í vátryggingarskírteini.

2. Bótasvið

Vátryggingin bætir fyrirframgreiddan ferðakostnað sem hinn vátryggði á samkvæmt samningi ekki rétt á að fá endurgreiddan ef hann neyðist til að hætta við ferð sína vegna:

- 2.1 Alvarlegs slyss eða skyndilegra veikinda hins vátryggða sem staðfest er með vottorði læknis um að vátryggður sé ekki ferðafær. Sama á við ef hinn vátryggði deyr áður en ferð er farin.
- 2.2 Andláts, alvarlegs slyss eða skyndilegra alvarlegra veikinda maka, barna, barnabarna, foreldra, afa, ömmu, tengdforeldra, tengdabarna eða systkina vátryggðs.
- 2.3 Verulegs eignatjóns á heimili vátryggðs eða í einkafyrirtæki hans eftir að vátryggingin er tekin sem gerir nærveru vátryggða nauðsynlega. Samráð skal haft við félagið um hvort nauðsynlegt sé að hætta við ferð.
- 2.4 Opinberrar sóttkvíar.
- 2.5 Kvaðning vátryggðs til að vitna fyrir dómi.

2.6 Starfa sem vátryggður getur ekki komist hjá að vinna samkvæmt lögum um skyldusóttkví.

2.7 Þess að vátryggður kemst ekki í ferð vegna opinberra hafta er leiða af farsótt.

Vátryggingin bætir ekki fyrirframgreiddan ferðakostnað vegna:

2.8 Sjúkdóms sem var fyrir hendi áður en tryggingin var tekin eða var til staðar þegar ferðakostnaður var greiddur.

2.9 Skuldbindingar til flutningsaðila, ferðaskrifstofu, hótels eða leiguaðila þegar engar greiðslur hafa farið fram.

2.10 Sjúkdóma sem verða á 9. Mánuði meðgöngutíma.

2.11 Alvarlegs slyss sem átti sér stað áður en vátryggingin var tekin.

2.12 Tjóns sem orsakast af því að vanrækt var að tilkynna ferðaskrifstofu eða þeim aðila sem útvegar flutningsfar eða gistingu að nauðsynlegt reynist að hætta við ferð.

2.13 Flugvallaskatta og annarra gjalda sem sækja má til flutningsaðila.

3. Sérstakar takmarkanir á bótaskyldu

Vátryggingin bætir ekki tjón eða aukningu á tjóni sem beint eða óbeint hlýst af eða er af völdum:

- 3.1 Jarðskjálfta, eldgoss, skriðufalls, snjóflóðs eða annarra náttúruhamfara.
- 3.2 Styrjaldar, innrásar, hernaðaraðgerða, borgarrósta, uppreisnar, uppþots, verkfalls eða svipaðra aðgerða.
- 3.3 Kjarnabreytingar, jónandi geislunar, mengunar af geislavirkum efnum, kjarnaeldsneytis eða kjarnaúrgangsefnis.

4. Greiðsla iðgjalds

4.1 Iðgjald fyrir vátrygginguna fellur í gjalddaga þegar greiðslu þess er krafist.

4.2 Vanskil á greiðslu iðgjalds geta valdið réttindamissi og niðurfellingu vátryggingarsamnings, sbr. 33. laga um vátryggingarsamninga nr. 30/2004.



5. Vátryggingarfjárhæð

Vátryggingarfjárhæð kemur fram á vátryggingarskírteini.

6. Ákvörðun bóta

- 6.1 Félagið greiðir samkvæmt frumriti reiknings þá fjárhæð sem vátryggður hefur greitt fyrirfram vegna ferðar sinnar.
- 6.2 Vátryggður skal leggja fram nauðsynleg gögn vegna kröfu um bætur, t.d. læknisvottorð, farseðil og kvittun fyrir greiðslu á ferðakostnaði.
- 6.3 Vátryggður skal ekki hagnast á vátryggingaratburði. Vátryggingin skal einungis bæta raunverulegt tjón vátryggðs.

7. Tvítrygging

- 7.1 Ef sama tjón fellur undir fleiri en eina vátryggingu getur vátryggður valið hvaða vátryggingu hann vill nota þar til hann hefur fengið þær bætur sem hann á kröfu til.
- 7.2 Ef fleiri en eitt vátryggingarfélag bera ábyrgð á tjóni samkvæmt gr. 7.1 skulu þau, sé ekki um annað samið, greiða bætur hlutfallslega eftir ábyrgð hvers þeirra um sig á tjóninu.

8. Fyrning

Krafa um bætur fyrnist á 4 árum. Fresturinn hefst við lok þess almanaksárs er vátryggður fékk nauðsynlegar upplýsingar um þau atvik sem eru grundvöllur kröfu hans. Krafa fyrnist þó í síðasta lagi á 10 árum frá lokum þess almanaksárs er vátryggingaratburður varð.

Vátryggingarskilmálar þessir gilda frá 1. september 2010.